

B R E V E

S.<sup>MI</sup> D N. PAVLI  
P A P A E. V.

Confirmationis Privilegiorum Ordinis  
S. IOANNIS Hierosolymitani.

\* S V B  
V M B R A




A L A R V M T V A R V M

R O M A E, M. D C. V.

*Ex Typographia Reuerenda Camera Apostolica.*

PRASIDIVM (F) ET DECVS

BEATIFICAMVS EOS QVISVSTINVERVNT



# PAVLVS PP. V.

## Ad futuram rei memoriam.



ASTORIS æterni vices in Terris (quam immeriti) gerentes, curis vigilamus assiduis, studiisque nitimur indefessis; vt ea, quæ à Romanis Pontificibus Prædecessoribus nostris in fauorem Ecclesiasticarum personarum, & præsertim regularium, pro fidei Catholicæ aduersus Christi nominis hostes defensione, & propagatione iugiter laborantium, prouidè emanarunt, illibata, & firma perpetuò remaneant. Cum itaque sicut accepimus aliàs scilicet. Leo. X. Clemens. VII. Paulus. III. Pius. IIII. & Pius. V. Romani Pontifices Prædecessores Nostri inter alia Præuilegia, & indulta, dilectis filiis Magno Magistro, & Conuentui Hospitalis Sancti Ioannis Hierosolymitani à Sede Apostolica concessa, eundem, & pro tempore existentem Magnum Magistrum Baniuius, Castellatum Empostæ, Priores, Præceptores, Milites, familiares, aliasque personas Hospitalis huiusmodi, necnon etiam subditos, vassallos, colonos, & seruitores, & alios in eorum obsequijs, & dicti Hospitalis beneficijs quomodolibet nuncupatis existènt, etiam Presbyteros curam animarum exercentes, (quamdiù illam exercent) & illorum obsequijs forent, illorumque animalia, prædia, domos, molendina, & bona quæcumque, quæ obtinebant, ac in posterum obtinerent, & possiderent à solutione, & exactione decimarum, censuum, iurium etiam Synodalium, & Canonicarum portionũ, seu charitatiui subsidij, aut iucundi aduentus, seu quartæ, aut aliàs quomodolibet, aut aliorum quorumcumque onerum sub certis modo, & forma exemerint, & liberauerint, prout in diuersis ipsorum Prædecessorum desuper confectis literis plenius continetur.

Et licet ipsi Milites, & alia personæ prædictæ non debuissent à quoquam contra dictorum Priuilegiorum tenorem, & formam molestari, perturbari, vel inquietari; cum ipsi non modo eorum facultatibus, & fortunis, verumetiam sanguini, & vitæ pro tuitione Fidei Catholicæ non parcant. Nihilominus cum diuersi Locorum Ordinarij, & Parochialium Ecclesiarum Rectores, & multæ Capitulares personæ, id sibi omnino iuxta Sacri Concilij Tridentini decreta licere, asserentes, eisdem Magnum Magistrum, Baiuliuos, Castellanum Emposta, Priores, Præceptores, Milites, & personas diuersis oneribus contra eorum priuilegia prægrauarent, illosque ad decimas, census, subsidia etiam charitatiua, congruas portiones, iucundum aduentum, Pastor bonus, aut alias nuncupata onera, etiam iura synodalia cogere præsumerent, in graue ipsius Hospitalis detrimentum, & grauamen. *Fœl. rec. Gregorius. XIII. Sixtus Quintus, & Gregorius. XIII.* similiter Prædecessores nostri ex certa scientia, ac Apostolicæ potestatis plenitudine omnia, & singula Priuilegia, indulta, facultates, exemptiones, immunitates, libertates, & alias gratias eidem Magistro, & Conuentui quomodolibet concessa, confirmantes, approbantes, & innouantes, eos super præmissis quomodolibet molestari, inquietari, ac perturbari districtius prohibuerunt. Et præterea cu inter alia *fœl. rec. Pius Papa. VIII.* Prædecessor noster eidem Magistro, & Conuentui inter cætera priuilegia, Prioratus, Baiuliuatus, Castellaniam Emposta, Commendas, & alia eiusdem Hospitalis beneficia liberè vniendi, & dismembrandi facultatem cõcessisset: Et nihilominus à quibusdam quandoquæ dubitaretur, an ante, vel post mortem possessorum vniõ, seu dismembratio ipsa fieri posset, ac deberet, idem *Gregorius. XIII.* ad tollendum omne dubium, & ambiguitatem, quæ in præmissis in futurum oriri poterant, vt quancumque eis videretur, siuè ante, siuè post mortem possessorum Prioratus, Baiuliuatus, Castellaniam Emposta, & alia eiusdem Ordinis beneficia vniõ, & dismembrare liberè, & licitè possent, & valerent. Necnon omnia,  
& singula

& singula priuilegia, & exemptiones prædictas, etiam ad Confratres, & Donatos eiusdem Hospitalis extendi deberent, decreuit, & declarauit, ac decretum, & declarationem huiusmodi, aliaque præmissa foel. rec. Clemens Papa. VIII. similiter Prædecessor noster confirmauit, & approbauit, prout in eorundem Prædecessorum literis plenius continetur. Nos itaque attendentes præclara eiusdem Hospitalis erga fidem Catholicam, & Sedem Apostolicam promerita, ac cupientes, vt ipsa priuilegia, exemptiones, & gratiæ eò firmiter subsistant, quò sæpius ab eadem Sede confirmata extiterint, Magnum Magistrum, Priores, Baiuiuos, Castellanos, Empositæ, Præceptores, Milites, & Fratres, & eorum singulos, singularesque dicti Hospitalis personas à quibusuis excommunicationis, suspensionis, & interdicti, alijsque Ecclesiasticis sententijs, censuris, & pœnis à iure, vel ab homine, quauis occasione, vel causa latis, si quibus quomodolibet eorum quilibet innodati existunt, ad effectum præsentium dumtaxat consequendum, harum serie absoluentes, & absolutos fore censes, necnon omnium, & singulorum priuilegiarum, indultorum, facultatum, exemptionum, immunitatum, libertatum, & gratiarum per prædictos, & alios quoscumque Romanos Pontifices Prædecessores nostros, ac Sedem Apostolicam Hospitali prædicto, illiusque Magno Magistro Cõuētui, & Fratribus Militibus, alijsque personis prædictis cõcessorum, ac literarum desuper confectarum tenores præsentibus pro expressis habentes, Motu proprio non ad Magni Magistri, & Conuentus Hospitalis huiusmodi, aut alicuius alterius super hoc pro eis nobis oblata petitionis instantiam, sed ex certa scientia, & de mera nostra liberalitate, ac Apostolicæ potestatis plenitudine, omnia, & singula priuilegia, indulta, facultates, exemptiones, immunitates, libertates, & alias gratias eisdem Magno Magistro, & Cõuentui quomodolibet concessa, Apostolica auctoritate tenore præsentium confirmamus, & approbamus, illisque per-

petuæ, & inuiolabilis firmitatis robur adiicimus, ac omnes,  
& singulos, tam iuris, quàm facti defectus (si qui forsan in-  
teruenerint) in eisdem, supplemus. Decernentes præsentis  
litteras vlllo vnquam tempore de subreptionis, vel obrep-  
tionis vitio, aut intentionis nostræ, vel quopiam alio de-  
fectu, etiam ex eo quod Locorū Ordinarij vocari non fue-  
rint, notari, impugnari, vel inuolidari minimè posse, mi-  
nusq; sub quibuscunq; similibus, vel dissimilibus gratiarū  
reuocationibus, limitationibus, restrictionibus, & derogationibus  
comprehendi posse, sed semper ab illis exceptas,  
& quoties illæ emanabunt, toties in pristinum statum resti-  
tutas, repositas, & plenariè reintegratas esse; sicq; ab om-  
nibus censi, & ita per quoscunq; Iudices, & Commissarios,  
quauis auctoritate fungentes, etiam Causarum Palatii  
Apostolici Auditores, ac Sanctæ Romanæ Ecclesiæ Car-  
dinales, sublata eis, & eorū cuilibet quauis aliter iudicandi,  
& interpretandi facultate, & auctoritate iudicari, & defini-  
ri debere, ac irritum, & inane, si secus super his à quoquam  
quauis auctoritate scienter, vel ignoranter contingerit at-  
tentari. Quo circa dilectis filijs in Regnis Hispaniarum, &  
Neapolitan. nostris, & Sedis Apostolicæ pro tempore exi-  
stentibus Nuncijs, ac Curia Causarum Camera Apostolicæ  
generali Auditori, per præsentis Motu simili manda-  
mus, quatenus ipsi, vel duo, aut vnus eorum per se, vel aliū,  
seu alios præsentis litteras, & in eis contenta quæcunque,  
vbi, & quando opus fuerit, ac quoties pro parte eorundem  
Magni Magistrum, & Conuentum fuerint requisiti, solemniter  
publicantes, eisq; in præmissis efficacis defensionis præsi-  
dio assistentes faciant, auctoritate nostra eosdem Magnum  
Magistrum, & Conuentum confirmatione, approbatione,  
decreto, & alijs præmissis pacificè vti, frui, & gaudere; non  
permittentes eos per Ordinarios prædictos, aut quoscunq;  
alios contra præsentium tenorem quomodolibet mole-  
stari, perturbari, aut inquietari. Contradictores quoslibet,  
& rebelles per sententias, censuras, & pœnas Ecclesiasticas,  
appella-


appellatione postposita, compescendo, ac legitimis, super his habendis, seruatis processibus, sententias, censuras, & pœnas huiusmodi incurrisse declarando, illasq; etiam iteratis vicibus aggrauando, interdictumq; Ecclesiasticum apponendo; inuocato etiam ad hoc, si opus fuerit, auxilio brachij sæcularis. Non obstantibus piæ me. Bonifacij Papæ. VIII. etiam Prædecessoris nostri de vna, & Concilij generalis de duabus dietis, dummodo vltra tres dietas aliquis auctoritate præsentium ad iudicium non trahatur, ac alijs quibusuis Apostolicis, necnon in Prouincialibus, & Synodalibus Concilij editis specialibus, vel generalibus constitutionibus, & ordinationibus, necnon iuramento, confirmatione Apostolica, vel quauis firmitate alia roboratis statutis, & consuetudinibus, priuilegijs quoque indultis, & literis Apostolicis quibusuis per se, etiam prædictis Locorum Ordinarijs sub quibuscunq; tenoribus, & formis, ac cum quibusuis etiam derogatorijs derogatorijs, alijsq; efficacioribus, & insolitis clausulis, irritantibusq;, & alijs decretis, etiam Motu, & scientia similibus, etiam Consistorialiter, & de Fratrum nostrorum consilio in contrarium quomodolibet concessis, confirmatis, approbatis, & innouatis: Quibus omnibus etiã de illis, eorumq; totis tenoribus specialis, specifica, expressa, & individua mentio, seu quæuis alia expressio habenda, aut aliqua alia exquisita forma ad hoc seruanda foret, illorum tenores, ac si de verbo ad verbum inserti forent, præsentibus pro sufficienter expressis, & insertis habentes, illis alijs in suo robore permanens, hac vice dumtaxat specialiter, & expressè derogamus, contrarijs quibuscunq;. At si aliquibus communiter, vel diuisim ab Apostolica sit sede indultum, quod interdicti, suspendi, vel excommunicari non possint per literas Apostolicas, non facientes plenam, & expressam, ac de verbo ad verbum de indulto huiusmodi mentionem. Eorundem autem Prædecessorum vestigijs inhærentes, volumus, quod scilicet. rec. Pij. V. vigesima secunda Septembris,

Anno Sexto, ac Gregorij XIII. Prædecessorum nostro-  
 rum literis sub Anulo Piscatoris, vigesima quinta Nouemb.  
 Anno Nono, Pontificatum suorum expeditis in suo ro-  
 bore, & efficacia permanentibus, præsentis literæ non cõ-  
 prehendant, neque Ecclesias, neque personas in his, quæ ad  
 curam animarum pertinent, in quibus decreta Concilij Tri-  
 dentini huiusmodi omnino seruari debeant: Ac quod præ-  
 sentium literarum transumptis manu alicuius Notarij pu-  
 blici subscriptis, & sigillo personæ in dignitate Ecclesiasti-  
 ca constitutæ munitis, in iudicio, & extra illud vbiq; loco-  
 rum plena, & indubitata, eademq; prorsus fides, adhibea-  
 tur, quæ ipsis præsentibus adhiberetur, si forent exhibitæ,  
 vel ostensæ. Datum Romæ apud Sanctum Marcum sub  
 Anulo Piscatoris, die prima Septembris. 1605. Pontifica-  
 tus Nostri Anno Primo.

Loco † Anuli Piscatoris.

M. Vestrius Barbianus.

*San<sup>co</sup> Osorio  
 not. apost<sup>co</sup>*



BREVE